



## **Protocol**

dalla radunonza generala dall'Uniun da dunnas Disentis/Mustér  
venderdis, 07 da fevrer 2020, allas 19.30 uras, el hotel Alpsu a Mustér

### **Tractandas**

1. Elecziun da duas dumbravuschs
2. Rapport annual dalla presidenta
3. Render quen e rapport dallas revisuras
4. Program 2020
5. Preventiv 2020 e contribuziun annuala 2020
6. Undraziuns
7. Elecziuns
8. Varia

Katrin Pally fa a tuttas in cordial beinvegni alla radunonza generala e di ch'ei seigi bi che las dunnas hagian priu peda da prender part. Sco usitau hagi liug g'emprem la radunonza e silsuenter saveien nus guder la tscheina communabla. Ton la tscheina, il dessert ed il caffè offereschi l'uniun.

Cunquei che negin dalla suprastonza vegli scriver il protocol fa ella la proposta d'eleger sco actuara dil di – tenor art. 10 dallas statutas – ina actuara dil di. Ella propona Rita Furger per quella incarica. Ella vegn elegida cun applaus.

Presentas ein 50 dunnas e 24 han schau perstgisar.

### **1. Elecziun da duas dumbravuschs**

Sco dumbravuschs vegnan Claudia Fopppa e Leslie Flury elegidas.

## 2. Rapport annual dalla presidenta

Katrin Pally rapporta sur dallas activitads dall'uniun:

- 11.01.2019 Radunonza da vallada Cadi a Surrein. Rita Furger ha priu part. Leu ei vegniu decidiu da far la conferenza da vallada comunablamein cun la conferenza da vallada Foppa.
- 01.02.2019 Radunonza generala dall'uniun; 54 dunnas ein stadas presentas.
- 08.02.2019 Per nos pigns: plausch da scarsola a Sax. 10 affons e 9 carschi han priu part.
- 08.02.2019 Cuorsa liunga a Goms. Deplorablamein ha mo 6 dunnas priu part.
- 29.03.2019 Fiera resti d'affons en halla Cons: 39 dunnas han offeriu lur uorden.
- 30.03.2019 Fiera resti d'affons en halla Cons
- 10.04.2019 Decoraziun dallas candeilas da Pastgas: 13 dunnas separticipadas.
- 11.04.2019 Decoraziun dallas candeilas da Pastgas. Fatg 162 tocs sco era ils tscheris pascals per las baselgias Sogn Gions, Segnas e Cavardiras
- 10.04.2019 Pils pigns: Far lieurs da Pastgas sin Claustra [42 affons e 22 caschi]
- 17.04.2019 Distribuziun dils vestgius dils 12 premcommunicants.
- 20.09.2019 Fiera resti d'affons en halla Cons: 40 dunnas han exponiu e vendiu.
- 21.09.2019 Fiera resti d'affons en halla Cons

October Zambergiar cun Sonia Deflorin. Muort paucas annunzias buca giu liug.

- 08.11.2019 Suprastonza e menadras da ressorts: sentupada cun fondue el local dall'Uniun da dunnas. Lu ei era vegniu discurreu davart il passau ed fatg propostas per il program da 2020.
- 16.11.2019 Coching persunal cun Claudia Bearth.  
Buca giu liug a Mustér – ei vegniu scret ora a Glion
- 13.11.2019 Affons: Teater da casperet a Salaplauna e zambergiar [ca. 75 affons]
- 06.11.2019 Sentupada dallas suprastonzas dallas uniuns da dunnas Cadi cun tscheina el hotel Postigliun a Sedrun. Intent: scomi da meinis
- 23.11.2019 Fiera da Nadal sigl areal dalla halla Cons e Puntreis. 47 stans. Stiva da caffè en halla Cons e producziuns dils affons dalla 4. Classa.  
Affons han era zambergiau 137 penderletgs da pigneuls da Nadal.
- 08.12.2018 Seniors: Sentupada da sontgaclau en halla [ca. 100 persunas]. Las "vuschs dil Rein" e la 4. classa han embelliu canticamein quella sentupada.
- 11.12.2018 Rorate: Solver en halla [215 persunas]

Nos pignets ein s'entupai mintga meins a Segnas per seruschnar-paterlar. Denter 4 e 9 famiglias han mintgamai priu part.

Plinavon ei la suprastonza e la secretaria sentupadas treis ga a sedutas. Senza ils ressorts e tutta gidontras voluntarias, emporta buca tier tgei occasiun, savessen las purschidas buca vegnir realisadas. Katrin Pally engrazia grondamein per tut sustegn.

### **Artgin:**

Duront 2018/2019 han 19 affons priu part dallas purschidas. Ei vegn possibilitau specialmein als affons da saver far termagls. Dasperas vegnan era purischidas creativas preparadas, nua ch'ils affons san seprofitar gest tenor interess. En quella rama san ils affons far lur emprems pass senza lur geniturs ni personas che sattan ad els datier. Els observan auters affons, imiteschan els ed emprovan da far termagls cun els. Emprems conflicts vegnan sligiai denter els, els anflan lur emprems amitgs. La viseta da sontgaclau egl uaul tier ils affons d'artgin e nanin vegn a restar als affons en buna memoria. Els tedlavan cun bucca e nas las historias che sontgaclau raquintava, han giu plascher dils regalins e sescaldavan spel fiug.

Medemamein da cuminonza han els realisau ina sentupada matutina da pastgas e primavera. Ensemen cun ils affons ei vegniu plantau flurs, admirau nuegls ed animals e fatg ignivs da pastgas.

Terminau igl onn ha il rudi d'artgin cun ina pintga excursiun. A Fontanivas han ei fatg in picnic e baghegiu barchettas cun stapuns da corc.

### **Nanin:**

La gruppna nanin cun tschun affons ha entschiet igl uost. Il diember dalla gruppna ei stada constanta. Il december ha sontgaclau e sia suitea visitau ils affons dallas gruppnas artgin e nanin egl uaul.

Beinenqual aventura han ils affons astgau experimentar. A Rueras han ei visitau in bein puril ed astgau battegiar in vadi. Ina outra ga ein els serendi a Caischavedra per ina scursalada. Muort nevada ein els serendi ina ga a Segnas el local digl artgin ed han cuschinu e gentau leu.

Era la lieur ha fatg viseta als affons egl uaul.

Ina viseta tier in bein puril a Segnas ei stada sil program cun observar las gaglinas e plantar flurs sulegl.

Terminau ha la grupp lur program cun ina fiasta da strias egl uaul, cun cuschinar la davosa gada egl uaul sil fiug e quei ensemen cun las famiglias pertuccadas.

Ils 22 da zercladur 2019 han las responsablas sligiau si il plaz egl uaul e mess tut en uorden.

Eva-Kathrina Tomaschett e Rahel Bisquolm han bandunau la grupp artgin/nanin il zercladur 2019. A partir digl uost ei Judith Steiner da Surrein entrada el team.

### 3. Rendaquen e rapport dallas revisuras

Il rendaquen ei vegnius repartius a tuttas presentas.

#### *Quen da gudogn e sperdita 2019*

Entradas	CHF 33'080.20
Expensas	CHF 25'077.78
Surpli entradas	<b>CHF 8'002.42</b>

#### *Bilanza 2019*

Cassa	CHF 750.00
Contocorrent	CHF 21'705.29
Conto da spargn	CHF 19'710.78
Facultad 31.12.2019	<b>CHF 42'166.04</b>

La cassiera Manuela Maissen declara, *che la suprastonza hagi desistiu da far il tagl per ils 31 d december tier il conto ressort d'affons*, aschia che las entradas seigien per 2019 pli aultas.

*Hier sollte stehen, dass man keine Rückstellungen mehr macht, bei allen resorts!*

Suenter il rapport dalla revisura Marisa Dermon vegn il quen approbaus cun engraziament a Manuela Maissen. Medemamein engrazia la revisura alla suprastonza ed a tuttas che s'engaschan.

#### 4. Program 2020

Il program ei vegnius repartius a mintga commembra presenta. El ha anflau l'accoglientscha da tuttas dunnas.

#### 5. Preventiv e contribuziun annuala 2020

Entradas	CHF 30'204.50
Expensas	CHF 28'520.00
Surpli entradas	CHF 1'684.50

Las commembras san s'accordar cun il preventiv da 2020 e lain la contribuziun annuala sin CHF 20.00.

#### 6. Undraziuns

Astrid Flepp, secretaria dall'uniun, ei sereratga. Plinavon ein las responsablas da ressorts: Eva-Kathrina Tomaschet, Rahel Bisquolm, Jeannette Venzin, Manuela Vincenz e Laura Deflorin sereratgas. La co-presidenta Sandra Deflorin ha engraziau ad ellas cun surdar in pign matg flurs.

#### 7. Elecziuns

Katrin Pally ei promta da surprendre siu post aunc per in onn. Ella di cun perschasiun che quei seigi il davos onn ed animescha las presentas da far ponderaziuns tgei che savessi surprendre il tgamun. Ussa seigien las dunnas dumandadas da mirar per ina successiun.

Co-presidenta Sandra Schnoz stat vinavon a disposiziun.

Cun grond applaus vegnan ellas duas reelegidas.

Per l'elecziun dallas menadras da ressorts ei la suprastonza cumpatenta: Sarah Huonder e Sonja Muscas sorprendan il ressort affons.

Il secretariat ha Leslie Flury surpriu.

## 8. Varia

L'Uniun da dunnas Tujetsch ha ofniau il giavisch da scriver ora ils cuors communablamein. A quei giavisch ha la suprastanza dau suatentscha.

Plinavon regorda la presidenta alla pusseivladad da far diever dil local a sut Gliendas.

Geraua Iris Lombris porta salids dalla suprastanza communal ed engrazia all'uniun per siu engaschi.

Suenter treisquarts ura sa la presidenta serrar la radunonza cun giavischar in bien appetit da tscheina.

L'actuara dil di: Rita Furger

La presidenta: Katrin Pally